

tota patent campis. ut caeso limite victor
rite atavo summo melior! cui Claudius acer,
30 magnanimum sidus, dat clarum e numine divo
imperium, Virtus quem felix optat alumnum.
auges flore tuo nostrae tibi dedita vitae;
orta micat fratrum fatalis gloria saeclo,
res Latia ut voti compos sic gaudeat aucta.
35 aspice! pacato parta est lux laeta sub orbe.

XI

Fortia facta ducis toto dominantia iam nunc
orbe canam, quis laeta suo sub principe tanto
rursum Roma tenet, mundi caput, inclyta, culmen.
tu vatem, tu diva, mone! lacerata cruentis
5 imperiis pars fessa poli divisa gemebat
sceptra et Ausoniae maerebat perdita iura.
siqua fides, tantis Romanum Gloria nomen
insignit titulis, dominos ut libera quaerant
maestaque iure suo trepidet plaga maxima mundi,
10 unde iubar lucis primum radians Hyperion
sideribus pulsus rutilo diffundit ab ortu.
inde tuum nomen, multum memorabile cunctis,
maxime bellantum domitor, lux unica mundi,